

ტექნიკური მოთხოვნები

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე

1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
2. კვების ობიექტების სავალდებულო ადგილმდებარეობა სოციალურად დაუცველი მოქალაქეებისა და შეზღუდული შესაძლებლობების მქონე მოსახლეობისათვის:
 - 1 (ერთი) სასადილო მტკვრის მარცხენა სანაპიროზე (რუსთაველის ქუჩის, კოსტავას ქუჩის და ბათუმის ქუჩის მიმდებარედ. კვების ობიექტის ადგილმდებარეობა შემსყიდველთან შეთანხმებით)
 - 2 (ორი) სასადილო მტკვრის მარჯვენა სანაპიროზე (ტერიტორიის სიდიდის გათვალისწინებით) (მე-20 ან 21-ე მკრ-ნის და მესხიშვილის ქუჩის, თოდრიას ქუჩის, ქუჩიშვილის ქუჩის და მეგობრობის ქუჩის მიმდებარე ტერიტორიები. კვების ობიექტების ადგილმდებარეობა შემსყიდველთან შეთანხმებით)
 - 1 (ერთი) სასადილო ჭყონდიდელის დასახლებაში (რჩეულიშვილის ქუჩის მიმდებარედ. კვების ობიექტის ადგილმდებარეობა შემსყიდველთან შეთანხმებით).
3. მომსახურების ინტენსივობა:
 - ყოველდღიური ერთჯერადი კვება, I, II, III თავი სადილით სატენდერო დოკუმენტაციაში ატვირთული მენიუს შესაბამისად. (დანართი №2)
 - კვების პროდუქტების მიწოდება და შენახვა უნდა მოხდეს საქართველოში მოქმედი სანიტარული და ჰიგიენური ნორმების დაცვით.
 - სასადილოებში შეტანილი კვების პროდუქტები უნდა იყოს ახალი და ხარისხიანი.
 - ყოველდღიურად უნდა მომზადდეს ახალი საკვები.
4. ბენეფიციარებისთვის შეთავაზებული უნდა იყოს ზამთრის (1 ოქტომბრიდან - 30 ივნისის ჩათვლით) და ზაფხულის (1 ივლისიდან - 30 სექტემბრის ჩათვლით) მენიუები.
5. დღიური რაციონის ენერგეტიკულობა თითოეულ პირზე არ უნდა იყოს 900 კკალ - ზე ნაკლები.
6. სატენდერო დოკუმენტაციით გათვალისწინებულ მენიუში ცვლილებების შეტანა, აგრეთვე მომსახურების გრაფიკში ცვლილება დაუშვებელია შემსყიდველთან წინასწარი წერილობითი შეთანხმების გარეშე. (მიმწოდებლის ინიციატივით ხელშეკრულების პირობებში ცვლილებების განხორციელებისათვის მომართვა უნდა ითვალისწინებდეს ცვლილების აუცილებლობის/საჭიროების დასაბუთებას)
7. ყოველდღიური მენიუ განთავსებულ უნდა იქნას სასადილოებში თვალსაჩინო ადგილზე.
8. პრეტენდენტმა უნდა განახორციელოს 1900 ბენეფიციარისთვის საჭირო ფართით და ინვენტარით (ჭურჭელი, მაგიდები, სკამები) უზრუნველყოფა.
9. თითოეული სასადილო აღჭურვილი უნდა იყოს სველი წერტილებით, რომლებშიც დაცული უნდა იყოს სანიტარული და ჰიგიენური ნორმები.
10. პრეტენდენტმა ხელშეკრულების გაფორმების შემდეგ, კვარტალში ერთხელ უნდა განაახლოს და წარმოადგინოს პერსონალის ჯანმრთელობის მდგომარეობის დამადასტურებელი ცნობები.
11. მიმწოდებელი ვალდებულია უზრუნველყოს სასადილოს მიერ საკვების ბენეფიციარებზე გაცემა ყოველდღიურად დღეში მინიმუმ 4 საათის განმავლობაში, 11:00 საათიდან 15:00 საათამდე. მომსახურების გაწევის ვადაში არ შედის საკვების მომზადებისათვის საჭირო დრო.
12. მიმწოდებელმა უნდა უზრუნველყოს არანაკლებ იმ რაოდენობის საკვების გაცემა ბენეფიციარებზე, რა რაოდენობაც მითითებულია სატენდერო დოკუმენტაციაში ატვირთულ დანართ №2-ში (მენიუ).

მენიუ შედგენილია საქართველოს შრომის, ჯანმრთელობისა და სოციალური დაცვის მინისტრის 2003 წლის 8 მაისის №111/ნ ბრძანების შესაბამისად